



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

2. Quomodò in tali Ecclesia vna est communio sanctorum.

urn:nbn:de:hbz:466:1-29452

sum mundum inuenitur. Mar. ultimo cap. Euntes in mundum vniuersum &c. & Psalm. 112. A solis ortu vsq; ad occasum &c. Insuper Catholica dicitur, quia idem communiter sapit secundum Christum Iesum, in hijs quæ fidem & Christum spectant atque Sacramenta, & cum vno ore honorificatur Deus & pater Domini nostri Iesu Christi: id quod vbiq; Apostolus mandat & obsecrat per nomen Domini nostri Iesu Christi, 1. Cor. 1. Rom. 15. Omnes ergo hæretici non sunt Catholici, nã seipso segregant à corpore Christi, quod est Ecclesia, & aliter sentiunt de doctrina & rebus fidei, quàm Ecclesia Catholica: hos vitare iubet Apostolus, Tit. 3.

Secundò, hæc Ecclesia Catholica siue congregatio, est communio sanctorũ, id est, *gemeinschaft*/ hoc est, quòd primò omnes illi qui sunt vera membra Ecclesię, illi sunt sancti & reputantur propter fidem in Christum, qui est caput sanctum Ecclesię, propter quod & membra reputantur iusti & sancti & sic Apostolus in exordijs suarum Epistolarum omnes fideles vocat vocatos sanctos, Roman. 1. 1. Corinth. 1. Galat. 1. idè mali in Ecclesia, non sunt de Ecclesia sancta, id est, communionem illa sanctorum, sed solum nomine dicuntur Christiani: quare solum pii sunt sancti & vera membra Ecclesię. Deinde est Ecclesia & dicitur communio sanctorum, quia omnia bona spiritualia, quæ exiguntur ad nostram sanctificationem & iustificationem, illa in communia habet Ecclesia à Iesu Christo: & dicuntur communia bona, vt sunt sacramenta & preces Ecclesię: quia quisque partem habet in illis, vnus sicut alter. Hęc autem sunt porrò cõmunia bona Ecclesię, quoniam Deus pater nobis omnibus est misericors pater, Deus filius autẽ omniũ nostrũ saluator, Deus Spiritus. omniũ nostrũ sanctificator, *heiligmacher*.
Postcã

Postea est Euangelium & omnes doctrinæ Christianæ, quæ omnibus prædicantur, ubi gratia & misericordia Dei omnibus offertur. Matt. 11. Venite ad me omnes qui laboratis, & onerati estis, &c. Deindè baptisimus, ubi datur remissio peccatorum, & salus promittitur. Marc. ult. Qui crediderit & baptizatus fuerit, &c. Postremò corpus & sanguis Iesu Christi, per quæ nos omnibus bonis Christi efficiamur participes, credentes corpus pro nobis traditum & sanguinem pro nobis effusum, Matt. 26. hæc bona Christi, omnibus qui sunt in Ecclesia, sunt communia. Nam Christus ex æquo est omnium nostrum saluator. Postremò Ecclesia est & dicitur communio sanctorum, quia oratio, tribulatio, crux & opera, pia omnibus Christianis per totum orbem sunt communia & meritoria: sic iubet nos Christus in plurali orare. Panem nostrum &c. dimitte nobis debita nostra &c. Matt. 6. & sic omnes participamus Christi bonis, & deindè communio fratrum credentium: & sicut ex multis granis fit unus panis &c. ita hæc est communio sanctorum, 1. Corinth. 10. Ideò hæc consolatio est conscientia, quòd talis communio est sanctorum tam bonorum Christi quàm fidelium, & hoc etiam credimus &c.

3. Tertiò, quoniam sola una est Catholica & sancta Ecclesia, in qua sunt communia Christi bona, & in ea solum distribuuntur: ideò omnis homo, qui est extra illam communionem vel congregationem & Ecclesiam fidelium, is non saluabitur, sicut inquit Christus Luc. 11. Qui non est mecum, contra me est: & qui non colligit mecum, dispergit: quare omnes infideles qui non credunt, damnantur. Ioan. 3. Qui non credit, iam iudicatus est: Nam promissio facta est Ecclesie, quòd illa sit capax bonorum Christi. Qui ergo non credunt, damnantur. Deindè omnes hæretici qui sunt veluti rami aridæ arboris, non accipiunt succum gratiæ Christi, sicut inquit Cypria. Præcinda ra-
mum de